



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

Benedictio Seminvm Oleorvm, & Leguminum.

**urn:nbn:de:hbz:466:1-10316**

- 41 Hodie verò † pius stylus inolevit, quo Univerſitates ad huiusmodi infeſta, & damnoſa animalia expellenda, & agrorum fertilitatem à Deo impetrandam à ſummo Pontifice generales facultates abſolvendi obtinent, quarum vigore Epifcopus pontificaliter indutus, vel Vicarius generalis abſolutionem concedit tenoris infraſcripti.
- 42 Univerſitates, † & Homines huius terræ N. hac vice auctoritate Sanctiſſ. D. N. Pauli Papæ V. nobis in hac parte conceſſa abſolvimus à quibuſvis excommunicationis, ſeu maledictionis ſententijs, cenſuris, & pœnis quocumque modo per eos ignorantèr incurſis, ſine tamen alicujus præjudicio.
- 43 Item ex parte Omnipotentis Dei, ac dicti Sanctiſſ. D. N. Papæ omnium dictæ Terræ perſonas utriuſque ſexus agror, poſſeſſiones, & bona quacumque benedicimus.
- 44 Præterea omnibus ijs, qui conſeſſi, & contriti poſt expletum jejunium, ſacram Communionem ſumpſerint, plenariam omnium peccatorum indulgentiam, & remiſſionem concedimus, & elargimur.

## BENEDICTIO SEMINVM OLEORVM & Leguminum.

Adjutorium noſtrum, &c. Domine exaudi, &c. Dominus vobifcum, &c.  
Oremus.



**D**E Domine petimus, & rogamus, ut hæc ſegetum, fructuum, oleorum, leguminum, & herbarum ſemina oculis tuis ſerenis aſpicias, ſicut enim teſtatus es Moysi ſamulo tuo in Terra Aegypti, dicens: dic filiis Iſrael. cum ingreſſi fuerint terram Promiſſionis, quam eis Dominus Deus daturus eſt, primitias frugum ſuarum offerant ſacerdotibus, & erunt benediſta, ita, & nos oramus Domine auxilium miſericordiæ tuæ ſuper hæc ſemina, ex quibus fructus de terra ſuſcipere ſperamus, ut non grandio illa ſuccidat, non turbo tempeſtatis detruncet, non aquarum inundatio abducat, non aëris immutatio exterminet, ſed tua ſancta bene † dictione munita, fructiſera, & ſuperabundantiæ propter animarum, & corporum humanorum utilitatem, & uſum ad pleniffimam maturitatem perducere digneris. Per Chriſtum Dominum noſtrum.

Aspergatur aqua Benediſta.

Oremus.

**P**Reces noſtras, quaſumus Domine clementer exaudi, ut qui juſtè pro peccatis noſtris affligimur, & avium, vermium, murium, locuſtarum, & aliorum animalium perſecutionem partimur, pro tuæ nominis gloria, ab ea miſericorditer liberemur, ut procul à tua potentia expulſi, nulli noceant, & hos campos, agror, poſſeſſiones, vineas, prædia, & aquas in tranquillitate dimittant, quatenus ex eis ſurgentia, & orta tuæ majeſtati diſerviant, & noſtra neceſſitati ſubſerviant. Per Chriſtum, &c.

Ore.

Oremus.

**O**mnipotens sempiternus Deus, omnium bonorum remunerator, & peccatorum maximè miserator, in cuius nomine omnia genera sicutur Cœlestia, Terrestria, & Infernalìa, tua potentia nobis peccatoribus omnipotenter concede, ut, quod tua misericordia confisi, agimus, per tuam gratiam efficacem consequamur effectum, quatenus pestiferos vermes, mures, aves, locustas, & alia animalia per nos servos tuos maledicendo, maledicas: segregando, segregas, exterminando, extermines, ut per tuam clementiam ab omni peste eorum liberati gratiarum actiones maiestati tue liberi referamus. Per Christum, &c.

Exorciza vos pestiferos vermes, mures, aves, locustas, & alia animalia pradiis, & eorum fructibus, quomodolibet infesta & nociva per Deum Patrem omnipotentem, per Iesum Christum Filium eius, & Spiritum Sanctum ab utroque procedentem, ut omni tempore confestim recedatis ab agris, campis, vineis, pradiis, & possessionibus huius Terræ. N. nec ullo tempore in eis habitetis, sed ad ea loca transeat, in quibus nemini nocere possit, pro parte omnipotentis Dei, & totius Curie Cœlestis, & Ecclesiæ S. Dei vos maledicens, ut quocumque ivenitis sitis maledicti, deficientes de die in diem, in vos ipsos, & decrecentes quatenus de vobis reliquæ nullo in loco inveniatur, nisi necessarie ad salutem, & usum humanum, quod prestare dignetur qui venturus est iudicare vivos, & mortuos, & seculum per ignem. Amen.

Oremus.

**D**omine Iesu Christe, qui Jordanis Flumen benedixisti, & in eodem baptizatus, aquas mundasti, & purificasti, ut elementum salubre efficeretur, & in remissionem peccatorum, & has aquas quoque benedicere, & sanctificare, & mundare digneris, ut nihil in eis noxium, nihil pestilens, nihil inscius, nihil corrumpens remaneat, sed omnia pura, & munda in eis efficiantur, quatenus, quæ ad usum humanum ex eis creata sunt cum salute nostra, & gloria sua assumamus. Per Christum, &c.

Ad iutorium nostrum, &c. Domine exaudi, &c. Dominus vobiscum, &c.

Oremus:

**B**enedicat nos Deus, Deus noster, & Terris nostris ubertatem concedat, & centuplum amplifaciat fructus earum, ut viventes in exultatione manipulos nostros colligamus. Per Christum, &c.

Aspergatur aqua Benedicta:

Oremus.

**D**eus, qui harum arborum plantas tua visitatione, & providentia protectas esse voluisti, nunc etiam, ut easdem benedicere, & sanctificare digneris, precamur, ut quicumque ex fructibus earum sumpserint, sani & incolumes esse valeant, Per Christum, &c.

Oremus.

**B**enedicte Domine omnes fructus arborum huius Terræ N. & presta, ut qui ex eis in tuo nomine vescuntur, corporis, & anima sanctitate potiuntur. Per Dominum nostrum, &c.

Oremus.

**T**E Domine Sancte Pater omnipotens aterne Deus supplices deprecamur, ut misericordia tua iugiter nobis concedas mesium sufficientem copiam, fructuum omnium largitatem

M m m 2

vii

tribuas, vinearum quoque & arborum sætus, proventusque omnium rerum, atque ab ipsis omnibus pestiferum fidus, tempestatis procellam, & grandinis fragorem, & universa mala amovere digneris, Per Christum, &c.

Oremus.

**O**mnipotens sempiternæ Deus, multiplica super nos misericordiam tuam, & preces nostras benignus exaudi, ut in fruges omnes præsentis, & futuræ sæculorum tuorum veniat sperata bene & dictionis ubertas, ut repleti de frugibus tuis in tuo nomine, de tua gratia semper exultent. per Dominum, &c.

Oremus.

**O**mnipotens æternæ Deus, Majestatem tuam supplices exoramus, ut omni tempore hujus Terræ segetes ad maturitatem fertilitatis perducere digneris, ut esurientium animas bonis affluentibus replearis, & egeni, pauperesque laudent nomen tuum. Per Christum Dominum nostrum Amen.

Oremus.

**M**isericordiam tuam Domine supplices exoramus, ut animalia sæculorum tuorum, sive quæ infirmitate, aut morbo vexantur, sive quibus infirmitates, ac morbi imminet, in nomine tuo, atque tuæ bene & dictionis virtute sanentur, infirmitatesque omnes arceantur, extinguaturque in eis omnis diabolica potestas, & ne ulterius agrotent, tu eis Domine sis defensor, ac remedium sanitatis. Per Dominum nostrum Iesum Christum Filium tuum, Qui tecum vivis, & regnat in unitate Spiritus sancti Deus &c.

Aspergatur aqua Benedicta.

**A**uctoritate etiam ordinaria poterunt locustæ, bruchus, & hæc similia animalia modo præmissa, incipiendi, ut supra, adjutorium nostrum: Te, Domine petimus, &c. Et proseguendo usque in finem exorcizari segetes, fructus, & agri benedici, quod si firma fide hoc fiat, Dominus petita concedet, juxta illud: quicquid orantes petitis, credite, quia accipietis, & evanget vobis, Marc. cap. 11.

44 **Q**uamobrem, cum ad hujusmodi expellenda benedictionibus, orationibus, & signo crucis remedia haberi possint, cur ad excommunicationes, & maledictiones confugiendum? Præterea, cum excommunicatione nulla major pœna in Dei Ecclesia reperitur, ideo sobrie, & magna circumspetione ea est adhibenda, & nonnunquam feriri in subsidium, cum verò alia remedia non suffragantur, ad excommunicationis remedium recurri potest, concil. Trident. in c. 3. & quod si executio, de reformat. sess. 25. & contra homines

baptizatos tantum, cap. omnis Christianus, n. quest. 3.

45 Tum & si contra locustas, bruchos, mures, erucas, & similia, quæ super terram videntur excommunicationis sententiam ferre liceret, eadem ratione contra mures, & vermes, qui pluries autumnali præsertim tempore, pluribus in regionibus demoliantur, satæque vastant universa, & contra quadrupedes, scilicet vulpes, & alia id genus animalia hominibus, & animalibus domesticis inimica, & noxia, idem remedium posset adhiberi, unde sequeretur, quod